

tolo dovea andar a Ixola di la Scala per sopraveder, et poi anderiano li provedadori driedo; et il pagador deva danari tutta via a le fantarie; et il capetanio zeneral anderia a Gedi, et altre particularità. In conclusion, si dice voleno tuor l'impresa contra Mantoa. *Item*, dil zonzer li a Verona il vescovo di Mantoa, barba dil marchexe, amicissimo di la Signoria nostra, fuzito di Bozolo per dubito *etc.*; et vene con lui donne, sue neze. Questo è inimicho dil marchexe di Mantoa, suo nievo.

*Di Cremona, di 9.* Come a Piasenza erano fanti 2500. *Item*, il re partiria a di X di Lion per Italia. *Item*, scrisseno lettere a li capi di X per certa materia tratano. Et fo fato vice capo di X sier Andrea Loredan, in loco dil Malipiero, intrà consier.

In questo zorno gionse sier Zuan Diedo, stato provedador in Dalmatia, mandato per il consejo di X. El qual è stato *etiam* a levar certi cavali zieri, tolti a nostro stipendio, soto el conte Michiel di Frangipanni et il conte Zuane di Corvattia; li qual, 200, si ha esser passati per Castel Nuovo, et vieneno per terra, come scrive sier Francesco Capello, el cavalier, provedador in Trieste. Et il Diedo vene per mar.

Noto. Fo mandato in campo a Verona ducati 20 milia.

*A dì 12.* La matina se intese, questa note esser manchato, a hore 8, sier Marco Antonio Morexini, el cavalier, procurator di la chiesa di San Marco, stato longamente con gote amalato, *licet* eri disnoe di bona voja, et la sera li sopravene cataro e morite, di età di anni... Patricio molto exercitato in tutti li honori di la republiha, si rezimenti qual legatione et provedarie. Et al presente era mal andato, havia assa' gotte.

Et *licet* era stà terminato far ozi consejo di X con la zonta, per expedir certa materia, *tamen* per la leze fo chiamà gran consejo et fato elezione. Tolto numero 18, rimase sier Andrea Griti, el provedador zeneral, *quondam* sier Francesco, di 8 balote da sier Andrea Venier, come apar qui soto. Et compito il gran consejo, intrò consejo di X con la zonta fin una horra di note. E nota, rimase il Griti per farli bon cuor in questa impresa; *tamen* tutti teniva rimanesse sier Andrea Venier, per haver sempre consejato ben questa republiha in le presente occorenzie, et sempre à dito la verità, che 'l re di Franza si acorderia col re di romani contra di nui, e lui volea il re di romani da nui.

*A dì 12 april.*

37\*

*Electo procurator di la chiezia di San Marco, in luogo di sier Marco Antonio Morexini, el cavalier, a chi Dio perdoni.*

|                                                                                                                            |           |
|----------------------------------------------------------------------------------------------------------------------------|-----------|
| Sier Zorzi Emo, savio dil consejo,<br><i>quondam</i> sier Zuan, el cavalier . . .                                          | 339.1312  |
| Sier Marcho Bolani, fo podestà a Padoa,<br><i>quondam</i> sier Bernardo . . .                                              | 636.1019  |
| Sier Lunardo Mocenigo, fo podestà a Padoa,<br><i>quondam</i> serenissimo principe . . .                                    | 709. 943  |
| Sier Lorenzo di Prioli, fo consier,<br><i>quondam</i> sier Piero, procurator . . .                                         | 498.1214  |
| Sier Piero Duodo, fo savio dil consejo,<br><i>quondam</i> sier Luca . . .                                                  | 613.1041  |
| — Sier Andrea Griti, el provedador zeneral,<br><i>quondam</i> sier Francesco . . .                                         | 1176. 476 |
| Sier Bernardo Bembo, dottor, cavalier,<br>fo podestà a Verona, <i>quondam</i> sier Nicolò . . .                            | 538.1130  |
| — Sier Andrea Venier, fo capitano a Padoa,<br><i>quondam</i> sier Liom . . .                                               | 1162. 459 |
| Sier Polo Antonio Miani, fo consier,<br><i>quondam</i> sier Jacomo . . .                                                   | 378.1271  |
| Sier Polo Pixani, el cavalier, fo capitano a Padoa,<br><i>quondam</i> sier Luca . . .                                      | 590.1046  |
| — Sier Piero Balbi, fo capitano a Padoa,<br><i>quondam</i> sier Alvixe . . .                                               | 945. 705  |
| — Sier Alvixe Venier, el savio dil consejo,<br><i>quondam</i> sier Francesco, <i>quondam</i> sier Alvise, procurator . . . | 828. 801  |
| Sier Stefano Contarini, fo consier,<br><i>quondam</i> sier Bernardo . . .                                                  | 497.1051  |
| Sier Zuan Vendramin, fo cao dil consejo di X,<br><i>quondam</i> sier Antonio . . .                                         | 308.1331  |
| Sier Cristophal Moro, el consier,<br><i>quondam</i> sier Lorenzo . . .                                                     | 595.1057  |
| Sier Lunardo Grimani, el savio dil consejo,<br><i>quondam</i> sier Piero . . .                                             | 328.1326  |
| Sier Marco da Molin, fo consier,<br><i>quondam</i> sier Polo . . .                                                         | 369.1201  |
| Sier Alvixe Malipiero, fo consier,<br><i>quondam</i> sier Jacomo . . .                                                     | 506.1190  |